



De Kwakel is een oetgave van ut Kwakel-comitè
Karnaalsvereniging de "MOEREBUUK" ELL.

De Kwakel



DE ORDE VAN DE
LEEKUNDJE KRAAN

46e jaargank

Bèste Moeëre en Moeërinne,

Wae höbbe nog ein waek te gaon en den is ut weer vastelaovendj. Zoeë as djer zeetj is auch dit jaor weer eine kwakel vanne pers geroldj. En wae winse uch hiejmet veul laesplezeer. As djer gêt neet begriepjt of gae zeetj ut eurges neet met ins, den laot oos dêt efkes wete via emes vanne Raod van Elf. Dêt kan auch met de vastelaovesdaag as djer oos hiej of dao tegekoomtj. Wae wille Prins Peter II en Prinses Lilian eine sjoëne vastelaovendj toewinse. En wae moedige uch aan oom Prins Peter II en Prinses Lilian good te ongersteune, wiedêt gae dêt veurgaondje jaore auch höbtj gedaon. Den zal de vastelaovendj 1998 zeker ein sukses waere. Langs deze weeg wille wae uch Eller minse allemaol eine sjoëne vastelaovendj toewinse. Zêtj eur vastelaoves mommebakkes mer op, want ut is good oom op ziene tied ins gek te doon.

De Redaksie



Beste Kwakellaezers,

Prins van Ell, Prins vanne Moeërebuuk, ich haaj ut noeëts gedachtj. En toch stinge ze aanne deur, woorom ich verdomme. Jao, dët môst ich toch efkes verwerke, ich haaj efkes bedinktiend nuuëdig. Neet veur mich want ich wil dët waal. Mèr Gerrie, mien vrouw, diej wiltj dët zeker neet. Dët heet ze mich teminste dèk gezagtj. De kinjer zeen nog neet nao béd. Ich wil ut vraoge. Nae, nog efkes wachte, effe smoesjes verzinne oom de joong nao béd te kriege. Shit, beginne ze mich auch nog te vraoge weern aanne deur is. Ich leeg, dët waas Evert, dae môst gèt wete euver de vier. Ut zweijt briktj mich oet. Ich kan ut neet mieër veur mich haoje. Zoeë verginge de ièerste minute van dae aovendj. Ein begin van eine fantastische vastelaovendj. Prins Henk I as hoofdpersoeën, alweer eine oet ut spargelheukske. Beste Eller minse ut waas gewelji oom uch veur te gaon tiedes de vastelaovendj 1997. De spontane reaksies en nateurlik alle aktiviteite woeë dët ze in betrôkke bèst, gaeve dich ein idee van wat de vastelaovendj veur de Eller bevolking beteikendj. En dët is neet allein mer zoeëpe en tampieste, mer auch de sociale funktie druktj eine zwaore stempel oppe vastelaovendj en zeker oppe Prins. Ut aanwezig zeen bie alle aktiviteite, de straolendje gezichte, veur dët bietje aandacht waat se geufs aan zeeke en bejaarde. Die minse staon der op te kieke oom allemaol ins met de Prins ein gesprek aan te gaon. Dët is neet allein inspirerendj, mer dët meuktj auch indrôk (bie mich teminste). Hieël gèt minse make zich sterk veur ut slage van dit fieëst. Te veul veur op te numme. Ich dink dët ich alle minse die zich bie de ein of anger aktiviteit hóbbe ingezatte of zelfs mer aanwezig zeen gewaestj, môt bedanke veur ut versjrikkelike sjoeëne vastelaovesjaor. Ein oetzunjerieng wil ich hiej op make, as dët Gerrie ut neet haaj gewildj den haaj ich der hieëlemaol allein veur gestange en ich geluif dët dët neet waerktj. Prinses Gerrie dich woors gewelji en hóbst mich door de vermeuendje tieje haer geholpe, danke sjat! En verder wil ich miene adjudant Theo en zien vrouw Sjannie auch hieël

hertelik bedanke veur heur hulp, steun en veural gezelligheid. Tot slot wil ich ooze noeëwe Prins Peter II en Prinses Lilian hieël veul vastelaovesplezeer toewinse en wurmdje vanne Eller minse. En ich hoop dët auch nog nao dit seizoen nog veul Prinse dezelfde ervaring moge hóbbe as ich gehadj hób. En asse uch kome vraoge zektj den neet nae, mer dinktj as ich:

"Liktj neet te zeure en haodj eure kop, want deze vastelaovendj gaon ich veurop".

ALAAAF!!!

Oad Prins Henk I

HENK 1

ORDE
VAN DE

ROLLENDJE
GULDJE



Moeërebuuk en Moeërinne:

As Prins Peter II van ut Moeërelandj kan ich same met Prinses Lilian, trök kieke op ein hieël geslaagd begin. Ut Prinsebal en de Leedjesaovondj woore ein groeëte happening en ein hieël groeët fieëst. Daovan kreeg ich echt "Det geveul van vastelaovondj". De reaksies en alle felicitaties wore hertverwermendj. Alle veurbereidinge veur ut oetrope zeen zeker neet veur niks gewaestj.

Noe dès se as Prins zeendje in de vastelaovondj steist, zuus se pas wie veul minse der aan mèt wërke om alles geregeldj te kriege. En dèt der hieël gèt aafvergaderdj weurdj oom alles good veur te bereije. Daoveur kan ich allein mer groeëte waardering opbringe. Lil trouwes auch.

Dit jaor zulle wae probeere om der eine onvergaetelijke vastelaovondj van te make. Gelökkig hoove we de kèr neet allein te trèkke. Same mèt mien drie adjudante; Peter, Erik en Huub, en met de drie noeëw raodsleeje; Patrick, Rogér en Jack; Jeugdprins Rick en Jeugdprinses Jill, zulle wae der vanalles aan doon om der met de rest vanne raad der tegenaan te gaon, wie doezundj man. En dèt zulle wae gaon doon onger mien motto:

**"MET DEES DAAG BLIEVE WAE AANNE GANG
WANT WAE ZEEN VEUR EIN BITJE NEET BANG".**

ALAAF!!!!

PRINS PETER II PRINSES LILIAN

PROKLAMMATIE

Ich Peter II, prins van ut Moeërelandj, geboore oppe Sjeijvestraot en groeët gewoore oppe Ribusstraot.

Zoon van Hein en Lien, jongste en op ein nao knapste oet ein gezin van twee.

Twieë jaor oppe kleutersjoeël gezaete bie let, daonao bin ich nao de lieëgere sjoeël gegange en dao hùb ich 6 jaor gezaete.

Mien verdere carrière oppe sjoeël zal ich uch bespaare, mer oetendelik hùb ich ut gebracht tot installatie-monteur (in ut plat; loeëdgeeter).

Ondanks mien drukke werkzaamhede veur en nao ut wèrk hùb ich auch nog hieël veul hobbie's: Anne motor kloeëte en aanne Fiat pòngele. Rondjrenne op ut voetbalveldj (bie mich vlak veur de deur). De kinjer vanne straot haoje bie ut Jeugdwerk. Getrouwdj met Lil, woeënachtig oppe Meidoornstraot, oetkiekendj op de wei van Sjaokes.

Verklaor hiebie ut volgendje:

- dèt de naam van Eli mèt dees daag verangertj in Moeërelandj
- dèt ich verwacht dèt de buure os hoes sjoeën verseere, en neet allein mèt ballonne.
- dèt dit jaor de gemiddeldje laeftieëd vanne raad omleëg geit.
- dèt ich aevagood oppe bontje aovondje actief zal zeen.
- dèt ich der alles aan zal doon om zowel de jeugd as de aojere der bie te betrèkke.
- dèt ich mèt dees daag de kèr zal trèkke en dèt ich der tegeaan gaon wie doezendj man.
- dèt ich dèt van die anger auch verwacht.
- dèt ich mèt dees daag oppe steun kan røkene van drie adjudante.
- dèt ich zal røgeere in de orde van de Leekundje Kraan.

Aafsloeëtendj vraog ich uch Moeërebuuk en Moeërinne òm uch veur 100% in te zètte òm der auch dit jaor weer iets bezunjers van te maake.

Zelf zal ich, mèt Prinses Lilian, mèt Jeugdprins Rick en Jeugdprinses Jill uch allemaol veurgaon mèt mien motto:

Mèt dees daag blieve wae aanne gang
Want wae zeen veur ein bitje neet bang

ALAAF!!!

Proklammatie Jeugdprins en Jeugdprinses:

Rik: Gebore op 5 mei 1985 as lêste kindj van Jo van Liene Pierre en Thea van Boeffie.

De sjrik van de voetbalveldje en van 't meuleveldj.

Jill: Gebore op 12 april 1986 as dochter van Nel van Straöter Frens en stiefdochter van Bér van de Goor en dochter van Maan van Sef van de Stoep en stiefdochter van Dita van Jonkers.

Same: Same staôn waê hiej noê klaôr en wê gaôn 't make dit jaôr.

Same: Wê laôte uch 't volgendje weete.

-Dê Rik en Jill oet ervare carnavals families komme, en dêt woore beslistj gein slome.

-Mêt Kevin as Prins, Fenny as Prinses, Tom as adjudant, waas der al hiêel waat aan de handj.

-Carnaval zitj dus al in oos bloot,

en daôroom geit 't bèst waal goot.

-Dê wê same deze carnaval goot gaôn veere,

en euver 't moërelanj zulle regere.

-De sjoel stuit neet veurop, want die ligtj toch op ziene kop.

-De kântien is noe ein van de leslokale,

en soms zitte wê den goot te bale.

-De rest van de kinjer loupe door 't moërelanj,

mêt de meister en de juffen aan de handj.

-Diej noêw sjoel zulle wê neet miêr mêt make,

want den zitte wê al in Wieërt os te vermake.

-Hobbies hubbe wê volop,

en dêt is echt neet allein muziek en pop.

-Veur Rik is de hondj nummer ein,

en Jill heet mêt zien paêrt vul gein.

-Dên is dêr auch nog tied veur sport,

auch dao in komme wê niks te kort.

-Bie Rik is voetballe je van het,

en Jill kriegtj met volliên de bal auch waal euver 't net.

-Ein dink doon ze allebei volop,

en dêt is geneete van snoep en drop.

-Noeë weitj gae eine hieëleboel van os allebei,

wê zeen dus neet getrokke oet de klei.

-Wê weite allebei van wantje en gaôn dus geneete van alle kantje.

-Wê make vul plezeer en vul lol

en zoeë kriege wê de carnavol waal vol.

Same: Aafslote doon wê mêt oos devies:

MET MUZIEK EN VUL DROP
ZETTE WE 'T MOERELANDJ OP ZIENE KOP.

Weurdje vanne Vorst:

Moeërebuuk,

Veurig jaor sjreef ich dêt ut zoeë jaomer waas dêt de leedjesaovendj neet doorging. Dê is dit jaor gelökkig anges gewaestj: prachtige leedjes, prachtige muziek met eine gooe winnaar, mer dêt is neet ut balangriekste!. Eller talente, gaotj zoeë door! Gae höbtj ut inne vingers, met de muzikale steun van eine houp Eller muzikanten inclusief Fer. Probeertj allein oom ut veur ut comité get gemaekelikker te make en de leedjes gêt ieërder klaor te hóbbe.

Mer waat ein verrassing: neet allein hóbbe wae weer eine noewe Jeugdprins met Jeugdprinses mer auch hóbbe wae de zevenenvieërtigste Prins vanne Moeërebuuk, ein nette Prinses, drie Adjudante en ein stuk of veer noew leje bie de Raod van Elf. Allein oom die reje moosse zegge dêt vastelaovendj 1998 ein sukses is.

Boete dêt: veur de vastelaovendj in oos Moeërelanj is ut belangriek dêtter ein joonger generatie zich geit bemeuje met waat ter gebeurtj. Neet dêt die jonges dêt normaal neet deejje, integedeil. Mer ich vinj dêt diegene die ut konne, ut auch inne Raod môtte laote zeen.

Ein vastelaovesvereniging moot der zeen veur alle laeftieje. Met deze noewe groep bie de vereniging en bie de raod moge wae hope dêt auch de joonger generatie de prachtige Eller vastelaovestradietie voort zal zette. Moeërebuuk, steuntj dees manne wie dêt gae die oaj altied gesteundj höbtj. Dootj met! Loatj zeen dêt ooze vastelaovendj der is veur oos allemaal.

Eine gooe vastelaovendj same!



Ein ongelukske met dees daag
det is om te verrèkke
Laotj uch van te veure bie
Knapen good dèkke



**Zeuktj gae ein leuk
plantje veur inne kamer
of get zandjes om te poot
of eine sjoene bos bloome
den metj gae bis bie de
specialist op det gebied,
Verhaag, aankome**

Hubtj gae
kabelwerk?
Den is
van Geleuken sterk.



Zeet gae op zeuk nao stiet, gae of wot
Theo heet dao de noewwe winkel met vol

Kraambezoek:

Aafgeloupe zomer ginge de dames vanne Raod van Elf op kraambezoek bie Judie en Frank. Die haaje namelijk eine zoon gekrege. Dao waerdje eine aovendj vastgezatte dae eederein kôst. Aafgesproke waerdje dèt ze bie Prinses Gerrie van ut aafgeloupe jaor bieëin zoeëje kome. Oom ein oor of half acht, acht oor waas eederein bieëin behalve Jean van Bart, die auch veur ut kado zoeëj zurge. Tiny van Evert zeet, ich zal hum mer efkes belle, want die is bienao altied te laat. Wiedèt ze Jean aanne telefoon kreeg en vreugtj woedèt ze blijft, zeet Jean: "Woeë mot ich toch nao toe?" "Jè", zeet Tiny, "wae zitte allemaal op dich te wachte, oom op kraamvisite te gaon bie Judie". Toen veel ut aan de angere kantj vanne telefoon efkes stil en zeet Jean: "Dèt bin ich ram vergaete, mer ich bin auch vergaete ein kado te hole". Dao zote de dames, waat noe gedaon, oppe door mer nao Judie en Frank gegange en oetgelagt wiedèt ut inein zaat. Wie dèt eederein aanne koffie met keek zaat, ging de bel en dao kwaam Jean binne en zeet: "Sorry, dèt ich ut vergaete waas en murge bring ich dich ut kadootje veur de kleine, ut is trouwes altied fijn asse nog gèt tegooj hōbst" en dèt waas auch weer waar.



XX Derckx

Staalbouw
Derckx b.v.
Weert

Uche partner en
spesjalist in
staalconstructies

Zoetj gao ein stroude,
ein linder of ein plantje
aan in de boen of achter



bloome haoje van moere

Den motj gao zeker ins bie
Linders aanbelle

Nog effe nao
Sjoenheidssalon



Zuus se der good oet, den veuls se dich good.
Veuls se dich good, den zuus se der good oet



Veur ein lekker wurskje
lepke of sijfke
mer auch veur ein bieffe


steit ooze slegter
veur uch klaar



Veur speuggood, ein leuk
presentje of veur hoeëshoefelke
zaake
ze weite bie Govaerts
der uch waal
get van te make.



Met die daag good aete!
Den motje wae zeker de
sampions van Koolen en
Heijkers neet vergaete!



Kwakelnoets:

Op 19 juni van ut aafgeloupe jaor waerdje bie Rinus ut Kip-
pehok fieëstelik geopendj. Hiej bieje waerdje veul luuj oetge-
nuuidigd, zoeë auch de leje van Geiteclub Saartje 7. Eede-
rein waerdje inne gelegenheid gesteldj eine naam te bed-
inke veur 't Kippehok. Dae naam kost men op ein sjoen
pepeerke invulle waat teves ein tegoodbon veur ein consu-
ptie waas. Op de vraog aan Miek vanne Sijlder of dit
gein Kwakelnoets is, zeet Miek: "Ich zit neet in ut Kwakelco-
mité, mer ich stoan waal dèk inne Kwakel." Bie deze den.



Alle genuëdigdje mochte heur hoesdeer metbringe. Der
leepe ein paar hunj roondj, nae neet die van Rinus. Hub
van Lute haaj ein moes in ein moezeval metgebrachtj en
zien 'Bökske'. Broer van de Berk haaj ein poesje in zien tès,
want Truus woeëj de halsbandj vanne hoondj neet oom-
doon. Op dae aovendj kregte wae auch te huuire dèt Erik
vanne Sijlder oppe Seringestraot geit woeëne. En dèt dèt in
de toekomst waal good van pas kan kome, dèt pap en mam
zoeë kort bieje woeëne. Erik haaj al ein idee oom ein kabel-
baan te make met ein mendje draan oom de kinjer te kinne
droppe bieje pap en mam. Zoeë as djer zeetj is op dae mid-
dig hieël gèt aafgekwakeldj bie de opening van ut Kippe-
hok: "Chicken Sallon".

*Leke en
gezondt*

In de kasse van Coolen
kintj gae komkommers hoole



Wiltj gae eine goeie pot beer,
veul plezeer en gêt gein,
Môt gae bie Rinus en Lisette
van de Prairie zijn

Veur van alles en nog get
Oasis
Bie Oasis vindtj gae det
bloem - kunst - kado

Môt gae motorongerdeile
of gêt anger spul,
gaotj nao Knapen,
want die hóbbe vul.



*In de appele
of in de paere
Laotj ze bie Koppen
en Moors mèr gewaere*

Wis djer al.....

- Dèt Ell ut vruchtbaarste dörp van Nederlandj is en dèt ze daomet oppe tillevisie zeen gewaestj.
- Dèt dèt veurluipig nog zoeë blijftj.
- Dèt al de beebies gepresenteerdj waerdje oppe braderiej en daobie ein pakket aangeboojje kreges.
- Dèt de sjoel aafgebroke is.
- Dèt de kinjer noe inne café's les krieges.
- Dèt Rinus vanaaf dae tied auch A.T.V. dage heet. Weges A.T.V. geslote.
- Dèt Mart van Stiene door dezelfde deur binne geit as zien kat, as dèt der de sleutel vergaete is en Rian neet toes is.
- Dèt wae eine euvervolle bontje-aovendj haaje.
- Dèt wae oos aafvraoge, weem heet toch oppe vrachtwage van Frank van Stals gesjoote.
- Dèt der veurig jaor met de vastelaovendj eine vanne Raod ut gepresteerdj heet, oom twee oor lank steundjes met ziene kop oppe aanrek veur ut koffiemesijen te slaope, waor Ruud.
- Dèt Miek vanne Sijlder veur Pietje van Nol wist, dèt Pietje ut hoes oppe Seringestraat haaj gekocht.
- Dèt Saartje 7 gestorve is en dèt ze net gein 14 jaor aod waas.
- Dèt Rezy, nao ut verdreet oom Saartje 7, aan oma vroeg. "Oma maag ich de Sik van Saartje 7 aafknippe". En dèt Sjang heur daobie geholpe heet.
- Dèt dankzij Rezy de Geiteclub nog ein relekwie heet van Saartje 7.
- Dèt Joske de tweeëde pries haaj gewonne, as beste frieteman van Nederlandj.
- Dèt der dit jaor vijf leedjes wore ingestudeerdj, veur de leedjes-aovendj.
- Dèt dae leedjes-aovend same waas met ut Prinsebal.
- Dèt wae dit jaor de 47ste Prins hóbbe oetgerope.

Kintj gae allein nog mer
ventje veur ventje
en neet heller,
gaotj den ins nao
Wies, Bep of Toos,
danao laupj-der weer
sneller



Bie Siem
inne Bachelorclub
is ut good
Dao kriegtj-der
genóg Golsch
In uch blood



auch al steit met dees daag alles oppe kop
!!!
miene service steit altied veurop !!!

Hub van Luute

Tenieltechniek

Geluidshastaties
Tenielbeleechting
Straumverzorging




wiltj gae ins danse
of kriegtj der dorst
Gaotj den ins binne
blej Ellenhof

Hubtj gae lost van uch spiere
in de bein of inne neet
Den is Beekman de juuste piete



Heldere ingaeving:

Nao ut aafscheid van Pestoeër Naus kreeg oos parochie gelökkig nao ein paar maondje al eine noeëve Parochieherder. Ut kerkbestuur bliej, en de parochiane bliej. Neet dèt de vervangers ut neet good gedaon hóbbe, dao neet van. Mer weer eine eige Pestoeër dèt waas toch baeter. Ut kerkbestuur zoeëj op eine zaotèrdig kinnes gaon make bij Eerw. Hr. Pestoeër Keller, dae nog werkzaam waas in Bocholtz. Ze waerdje dao good ontvange met ein tas koffie en sjienbaar hóbbe ze dao auch ein good glaas mèsween gehadj. Ut waas den auch deep inne middig toen ze weer richting Ell reje. Onger ut rieje viltj Wiel van Toeëm in ins in, dèt hae inne Aovendjmès most collectere. Mer aangezeen ut tiedstip woeëop dae inval zich veurdeej, kan dees Mès, auch al zoeëj men sneller rieje, neet mieër gehooldj waere. Jao in godsnaam den mer, waerdje der gezagd, den mer ins ein goodkoup weekend veur de kerkgangers. Mer daomiet haaje ze toch poete ooze "Linje Sjaek" geraekendj. Dae haaj ongèr de Mès welliswaor gedachtj: "Hè, dao is nemes dae met de sjaol rondj geit, wie kan dèt". Mer oomdèt hum dèt pas opveel toen de Mès halverwege oet waas, waas ut veur hum auch te laat oom langs de banke te gaon. Mer dinkendj aan de groeëte onkòste die de Kèrk nog heet, en clever as Sjaek is, leet hae zich die collecte neet langs de naas gaon. Toen de Mès oet waas posteerdje hae zich aan de oetgank met de collecte-sjaol, zoeëdèt nemes der nog langs kwoom, oom alsnog heur biedrage te gaeve. Good gedaon Sjaek en asse der neet al ein haatst den waas dit zeker ein lintje waerd!



Eine man vreugdj inne dierewinkel nao ein hoesdeer dët nemes anders heet. De winkeler luptj nao achter en kumtj trök met eine iesbaer. "Dët is ut hieëlemaol", reuptj de klantj. "Ein dink", zeet de winkeler, "koom noeëts aan zien naas!" De man betaaldje de iesbaer en noom hum met nao hoes. Op eine daag waardje der toch noesjierig en tikdje tege de baerenaas. De groeëte baer kwaam op zien achterpuuëj euverin en bruldje luid en begos de gesjrokke man in ut hoes achter nao te renne. Dae man drukdje zich plat tege de moor en smeekdje: "Eat mich neet op asjebleef!" De iesbeer hufdje ziene reusachtige poeët op en gaaf ein tikske oppe naas van dae man. "Tik", zeet de iesbeer, "doe bèst hum!"



Werk of Halfwerk:

Eine Hollenjer kumtj ein café binne en zeet tege de kastelein: "Gaef ze der allemaol eine van mich." Woeëop eine Belsj dae auch inne café aanwezig is vreugdj: "Wooroom duist doe dët, hóbse de loteriej gewonne?" Woeëop de Hollenjer antwoordt: "Ein miljoen en murge gaon ich nao mien werk. Loup de directeurskamer binne, houw de directeur ins flink aane oeëre, goeëj ziën buro euverhoup en zeg dët ich stop met waerke. "Dët is gewel'ig", zeet de Belsj. Ein waek later kumtj dae Belsj weer in die café en zeet auch tege de kastelein: "Gaef ze der allemaol eine van mich." Woeëop de Hollenjer vreugdj: "Hóbse soms auch de loteriej gewonne?" Woeëop de Belsj antwoordt: "Jao zeker ein half miljoen en murge gaon ich nao miene baas, houw hum ins flink aane oeëre, goeëj ziene buro euverhoup en zeg dët ich met half daag kom waerke."



Mupkes:

"Mien vader en mooder zeen echte gehieël onthaojers", lègdje ein jungske zien klas oet. "Ze rouke neet, ze drinke neet, en mien zuster en ich zeen geadopteerdj."

"Mam", vreugdj ut kleine maedje, "beginne alle sprookjes met - er was eens -?" "Nae leefke, soms beginne ze met: Schat, vanaovendj waerk ich euver dus weurdj ut gët later."

"Ich veul mich tieën jaor jonger as ich mich smurges hób gesjore", zeet eine man tege zien vrouw. "Hóbste der waal ins euver gedacht, oom dich te sjaere veurdët ze nao bed geist?", vreugdj ze.

Jonge Ongerzeuker?

Biej Bart en Jean weurdj oom tieën oor 's murges ein bekske koffie gedronke. Joost vreugtj, "mam maag ich auch gët drinke." "Jao, pak mer gët oet de keulkast." Pap en mam daonao drök bezig en lètte nurges mieër op. 's Middes kumtj Nicole oet sjoëel en vreugtj op ins, "mam, woeë is oos poeske." "Dët weit ich neet, die zal waal in ein verkehok zitte", zeet Jean. Nao sjoëel oom ein oor of veer is Nicole met ein vriendinnetje aan 't speule en ze vreugtj of ze ein blikske cola moge hóbbe. "Paktj ut zelf mer oete keulkast", reuptj mooders. Nicole trèktj de keulkast oope en sjriktj zich kepot, want waat kumtj dao oetgekrope? Jao huier de poes. Die heet dus zo ongeveer zes oor inne kaaj doorgebracht. Doe zoeëtst haost gaon dinke dët Joost heet gedacht, asse minse gaon invreeze inne diepvries, den môt ich mer in ut klein gaon oefene met ein poeske inne keulkast. In eeder geval ut experiment is geslaagd, de poes laeftj nog en heet der niks aan euvergehaoje.



Smakelik aete:

Toen Henk as Prins waardje gekooze, toen dacht der laot mien sjoenbroor auch mer ein paar gezellige daag in Ell metmake en koos der Theo as adjudant. Theo veuldje zich daomet zieër verierdj, mer hae haaj toch auch waal gèt twiefels. Sjan, waat doon wae met de joong en wie môt dèt met slaope as ut saoves laat weurdj. Met eine pot beer op kinne wae toch slecht met de auto nao Ittervoort en ich as pliesie kan dèt hieëlemaal neet make. Noe heet Theo toevallig nog eine hieële gooje sjoenbroor dae met hum metlaeftj oom ins gèt plezeer te hóbbe. En hieëlemaal ut bête waat hum euverkome is, is ein hieëeel leeëf sjoenmooder. Nouw, jao Theo, Oma is hieëlemaal wég van die twee witte. Dus der waardje geregeldj, de joonges gingē nao Opa en Oma en Sjan en hae koste bij Frank en Judy logere met die daag. Frank as oad Prins en lid vanne Raod van Elf waetj van wante. En waetj dus auch dèt der nao ut op stap gaon nog ins stevig gegaete mot waere. Theo dae zoeë as gezagdj, zeldje of noeëts mieër oppe helle kumptj, voonj dèt eikelik ein bietje gek den iërste aovendj, mer laot ich ut, mer ins probere. Dèt probere waardje, good smake en bevalle. Dus Theo zaat de volgendje nachte al aane taofel, veurdēt de angere heure jas oethaaje. Mer de lêste aovendj looge Frankie, Sjan en Judy al oetgeteldj in bed (Judy nog neet hieëlemaal).

Theo hoonger as ein paerd ging op zeuk en voonj van alles en nog gèt. Zoeë auch lekkere kieës in ein duiske. Och dao is noe toch nemes dacht der, laot mich de kieës mer ins ekstra dik op de boterham doon. Toen dacht der, hup, nog eine plak aafsnije en der bove op. Theo beet der in, mer dèt veel tege, kieës zoeë teij as eine zieëmlap. Nou, nou, die Juud die heet zich weer gèt inne henj laote duuje dacht Theo en oot mer gèt anders en leet de boterham met kieës, met beetaafdruk, mer ligge veur waat ze waas. toen Theo smurges bove water kwaam waas ut iërste waat der tege Judy zag: "Gank mer trök, met dae kieës, dao kumse met dien tenj neet doorhaer." "Nou ich hieël good", waas ut antjwoord van Judy, "want ich doon der ut iërste ut pepeer vanaaf en den is camember toch waal lekker!"

Theo zoeë hóbste weer gèt gelieërdj en laot dich in 't vervolg neet mieër de kieës vanne boterham aete.



De Helpendje Handj:

Mariëlle en de Witte vanne Sijlder haaje nao de oefentied op of aan ut plein, zoeë asse ut numme wilt, ein noew hoeës gekocht oppe Seringestraot. Der waardje opgeknaptj en gepoetstj en eindelijk koste ze in 't noewe home trèkke. Allein most der boete-oom nog gèt gebeure. Oom te beginne môt der eine boum oet de grondj gehoordj waere. Vergunning aangevraagd, dao twiefele sommige minse nog aan, mer dae boum kost der oet. Oomdāt ut nogal eine hieële klus is dacht Erik, ich vraog mien vrinj, Peter S. en Peter G., of die hum ein hendje kwome helpe en of dèt ze den geliek gèt getuuig koste mètbringe oom die klus te kloare. En dèt zeen nog ins van die echte vrinj, ze kwome opslaag met ut nuuëdige getuuig. Mer eikelik zoeë as verwachtj moste ze neet allein eine handj helpe mer moste ze hun hieële lief en leje inzette oom dae boum droet te kriege. Dit alles oonger ut toezeendj auch van Erik, dae met zien henj inne tesse aanwiesinge goof.

Conclusie:

Delegere is iets waatse Erik neet mieër hoofs te lieëre.



Wie verteldje de Prins ut aan zien aojers?

Volges Hein: "Hae kumtj op de middig van ut Prinsebal bie oos binne, zeet ter geine eine en legtj de oongersjeijing veur mien naas. Jè, en toen wis ich woë haas hoekdje".

(Euver Frank van Hover)
Sleuve

Eine Eller agrarische oongemeumer moos de wethaojer veur de ruimtelijke ordening spraeke in verbandj met ein vergunning. Hae beldje nao ut gemeindjehoes.

- Gemeente Hunsel, goedemorgen.

+ Jè, hie met mich, Ich woëj menieër Sleuve gaer efkes spraeke.

- Wie zegt U?

+ Menieër Sleuve.

- Sorry meneer, maar hier werkt geen meneer Sleuven. Maar wacht eens, ik heb hier wel een naam die er wat op lijkt. Is het soms wethouder Slevan?

+ Euh.... Jao, gaef dae den mer.

Oonger de Leedjesaovundj haaj ein lid vanne fanfaar ein opmerking euver de veurzitter dae oppe buun met Piet en Jan van Sijrooje stoong te zinge: "Zèk tege Theei dëtter dët kapsel zoëë lieëtj!"

Gehueërdj oonger ut kiene:

- Rammel ins gèt onger dae zak!

+ Laot hum toch, gae maaktj dae mins gek!

Auch oonger ut kiene (tege Mark van Wim van Thei):

- Hei krullebol, bring oos hiej gèt te drinke!

Helma haaj auch gèt gezeen. Bie Huub oonger ut bèd stoong ein paar noew zwarte sjoon en hae haaj zich ein wit humme gekochtj.

"Dae zal toch neet Prins waere soonger oos gèt te zègge", flitsdje ut toen door heure kop. Nae Helma, gelökkig koonse Huub nog vertroewe.

Sjaek en Martha wore met ein paar vrunj inne achterhoek gewaestj. In die streek zeen hieël veul fietsroutes. Sjaek: "Wae hóbbe dao veul kilomaeters konne make. In oos hotel koste wae keze, ein route van 18, 34 of 57 kilomaeter." Welke hóbst dich toen gepaktj? Sjaek met eine glimlach en glimmendje uigkes: "Ich hób mich nateurlik die van 18 gepaktj."



Lins zingtj met de basse van Avanti en zurgtj regelmoatig veur tekste. Eine kieër waas ut hum misluktj: "Ich waas de kuuj aan ut sjaere wie mich gèt sjoëëns inveel. Mer veur ich de potloëd oet de tès gehoordj haaj, waas ich ut alweer vergaete!"



Siertegels of betontegels
 ein stuupke of ein paedje
 Gaotj nao Wim, det is de man
 dae det veur uch make kan



Likt gae mèt
 uche fiets euverhaup?
 Gaotj den nao Albèr
 Want dao zeen ongerdeile en
 gebroektje fiets te kaup

PROOST!



Ein dink waat alle
 Moerebuuk weete mooge
 Bie Tjeu kinse ein
 lekker glaas beer drinke
 En det is zeker neet gelooge

Laotj Marlies
 get veur uch klaarmake
 den kintj gae ut uch
 lekker laote smaake



De mik is dao zoeë lekker.

De vlaai is dao zoeë lekker.
 Natuurlik bie Thijs, oaze wemne bekker.



Kiektj ins get dekker inne
 speegel van Iris haar zaak

Bezunjere types:

Of ut noew zomer of wintjer is, herfst of lintje, ze zeen der altied.
 En spesjaal dees twieë. 'S murges vreug of 's aoves laat, as der
 gèt te doon is den zeen ze der. Twieë minse die hert hóbbe veur
 de vereniging.

De zon steit al efkes aanne hemel. Achter zien kërke trèktj Leon
 de liene. Aaf en toe eine kroonkel mer dèt lètj niks. De kalk sputj
 op ut graas en leutj ein streep achter. Ut is stil en de veugelkes
 fluite. Soonger te morre en hieël ieverig duiter zien wèrk. Ut mót
 klaor veur 't weekend.

Aanne angere kantj van 't terrein zuuste Tjeu loupe. Hae inspek-
 teerdj de struuk naeve 't veldj. Ligge der sooms nog bèl, want de
 jeugd heet getraendj en die ruume toch niks op. Terloups waere
 auch de valle veur de mól te vange gekontroleerdj. Dao zijtj weer
 niks in. Ich kan dae raekel toch neet kriege, mompeldj der in zien eige.

Asse bie deindanger oetkome weurdj de dörpspoletiek nog efkes
 doorgenome. Same inspektore ze ut materiaalok. Waat hóbbe ze
 die hesse weer rondjgestruitj. Mósse ins kieke waatse hiej weer
 hóbbe nieër gehange. Waat make ze toch eine rotzooj. Stilzwie-
 gendj weurdj weer alles opgeruumdj.



Daonao loupe ze nog efkes euver 't veldj oom dit te inspektore. De
 kaal plekke woeë dèt de klein goole hóbbe gestange waere beke-
 ke. Hiej hóbbe die van Maesse zeker weer gevoetbaldj. Mósse ins
 kieke, die stampe al kepot. Kiek ins hiej die roeëte, wie vèttig. Ze
 zeen de luuj veur die bèl wiet te gaon hoole.

De murge is weer oom. Ze hóbbe weer al bieëingeknooterdj. Ut is
 neet gauw good. Mer ze wore der waal. En wae kinne ze neet
 misse. Ze meine der auch neet alles van.

Ut aete zal waal klaor staon.
 Eine Fen.

Reparaties,
auto's
twieëdehands
of noew



Gootj noo
Garage
Heermels
toe

Bie ôs kintj gae
mèt vastelaovundj
daag en nacht tappe
Rabobank

Wiltj gae
uche vrachtwage
van ein anger
kleurke veurzeen
den motj gae
bie Peter zeen

Wiltj gae thoes get sterks
drinke of zelf tappe
Den mot gae ins nao
Slieterie Bacchus stappe




Veur al eur loeënwark
Snel, good en neet deur



Dao hühhe wae Harry v/d Looy toch veur !

Reisleidster:

"Tupperwoman" Suzan, ein vaste metwèrkster aanne boontje-aovendj most veur heur stage tiedelik in Veghel gaon woeëne. Oom op heur werkplek te kome, most ze regelmootig met de bus en ze deej dèt met zoeëveul ge-maak, of van Haalder oet eederein gewindj is oom zich per trein, tram, metro of bus te verplaatse. Op eine gooje daag sting ze weer oppe bus te wachte en naeve heur sting eine hieër in ein busdeenstregelingsbeukse (waat ein woord) te kieke. Hae dreidje nogal gèt blaedjes oom en Suzan dacht, dae menieër waetj neet good wie dèt môt. Behulpzaam zeen, zoe-eas mooder Anna hum dèt gelie-erdj heet, vreugtj ze den auch: "Menieër, motj gae met de bus met?" "Jao, juffrouw." Suzan weer." As gae neet waetj wie de bus rietj en woeë dèt gae oet môt stappe, den wil ich uch waal hel-pe, want ich gaon dageliks met dees bus". Antjwoord van dae menieër: "Dank je wel dame, veur de gooj bedoeling, mer ich weit hieël good woeë dèt de bus begintj en woeë dèt ze stoptj, ich bin namelijk de chauffeur van dees bus. Asse noe wils instapen, den zal ich dich helpe oom oppe gooj plaats te kinne oetstapen". Oos Suzan is toen mer hieël stillekes achterin gaon zitte. Gelökkig is Suzan weer trök in oos Limburgse Landj. Mer wae zitte met de vraog. Heur roots liggen in Haalder, ze geit op stap hiej in Ell en ze woeëntj tegewoerdig in Kelpe. Suzan waat bête noe, eine Rabbe-dab, eine Moeërebuuk of eine Kuujeldreijer? Of zulle wae mer zégge, ze is eine Rabbedab met eine Moeëreboek dae Kuujels dreitj.



Eltaria



Kepper Variété en Evenementen Buro

Kepper treedt op veur jong en oud.
André & Connie organiseere feestje
groot en klein.



gewone gezellig ... hartstikke lekker!

Overige stuf, personeelsauto en nog veel meer!



Is der get neet in orde met
eur kat of eure hondj
Snel nao de dierenkliniek
want dao make ze die
weer gezondj



Veur eur dagelikse
boeëdsjappe, mer
auch veur get te
poste of eine zegel
te kaupe, kintj gae
bie Mart en Hennie
binne laupe.

Is euvernachte in ein hotel uch te deur?

Lantinga heet den
waal ein caravan
te heur!



Vreemdje talen
figgen uch neef?

Den nao
Custers
taaladviezen

Wis djer al.....

- Dê oppe boontje aovendj speule met kritiek levere:
Kwaolik, Laf, Ergerlik, Funest is.
- Dê dêt auch geldj veur as minse grepkes make euver de
boontje aovendj en dêt eemes zich hiej euver oprietj,
dae de boontje aovendj zelf neet gezeen heet.
- Dêt dae eemes waal gein kommentaar kan verdrage as ut
oom zien eige club geit.
- Dêt Vivian en Peter ginge trouwe en Pestoeër op zunig
murge op gesprek kwaam.
- Dêt ze niks in hoes haaje veur bie de koffie.
- Dêt ze toen mer nao kinsse opbeldje veur ein
pekske keukskes.
- Dêt die auch niks haaje, mer de mam van Jan waal.
- Dêt Pestoeër auch nog neet ins koffie droonk, laot staon
dêt dae ein keukske aat.
- Dêt ein paar van oos boontje-aovendj artieste der mer
neet genoeg van kreges.
- Dêt ze de hieële nacht nao ut optraeje zeen opgebleve,
oom te evaluere, met ein sjoen woord gezagd.
- Dêt ze de angere murge weer oom 10.00 oor bie
Siem zoote.
- Dêt ze ein noeëw woord op ut alaoje laesplenkse
wille inveure.

Effkes dertusse oet:

Ut volgendje verhaal geit euver twee Marliesen. Oom neet inne wêr te kome hōbbe wae ze ein nummer gegaeve, hie met bedoele wae nummer ein en twee en niks anders. "Marlies ein" is oos Marlies die van ein kaoj sjoetel en zoë. "Marlies twee" is van Naer, woë "Marlies ein" heet gewaertj. Is alles tot zoëver duudelik, den gaon wae verder. "Marlies ein", de goojigheid zelf, die duuit soms oethelpe bie "Marlies twee", mer dēt duuit ze auch oomdēt ze oppe kleintjes laetj. Noë heet "Marlies twee" pas geleje eine kleine gekrege. En as joong mooders kriege ze den oom op aom te kome, want puffe moste bie zo'n bevalling, tege ein zocht prieske ein week-endje aangeboje in eine vacantiebungalow. Oomdēt "Marlies ein", in de kraamdage van "Marlies twee" weer good biegespronge waas inne bistro in Naer, wildje "Marlies twee" gēt trōk doon. Waetse waat zeet "Marlies twee" tege "Marlies ein", ich nuuēdig dich, Paul en de kindjes oet oom ein paar dage nao oos vekantie-huuske inne Kempe te kome. Jao mer, zeet "Marlies ein", Paulje moot waerke. Gein bezwaor zeet "Marlies twee", doe kumpst al inne veumiddig en Paul dae kumpt den nao zien werk en den gaon wae oom te beginne same lekker gourmette. As Paul den nog nao hoes wiltj, mōt hae wete, mer doe en de kindjes blieve den slaope en den gaon wae de angere daag lekker zwumme en bubbelle hie in ut zwumbad. "Marlies ein" haaj dao waal oeëre nao en oomdēt ze dacht dēt ze toch waal vekantie verdeendj haaj, waas ze dao direct veur te vinje. Alles waas geregeldj, Paul haaj al niks mieër in te bringe. Oppe daag van vertrēk waerdje der oppe Niesstraaot iērst van 9 tot '11 ingelaje, want doe hōbst nogal gēt nuuēdig asse der ein paar daag tusse oet geist. Jao, jao, nao veul geworstel kōste de maedjes der nog biegevronge waere. Waal ein bietje krap, mer och, ze zeen nog klein en soepel. Dao vertrok "Marlies ein" met de kinjer, die hieël van slaag wore, door ein mooder die van al ut gesjouw al bienao euver de roeēje waas. Gelōkkig verleep de reis veurspoedig, mer bie aankomst waas die veurspoed al weer snel verdwene. Yvette most van het gehobbel euvergaeve. Niks aane handj verder. Effkes alles sjoēnmake en den alles oetlaaje. Nao te zeen biegekome met ein sigarete en ein teske koffie, waerdje ut al ein bietje gezellig. Toen Paul den eindelijk aangekome waas, kost men met de vette hap beginne. En ut gourmette waas lekker en haaj gezellig kinne blieve as Yvette neet weer mōst euvergaeve. Nadine die dacht toen, laot mich dēt auch ins gaon doon, dus dao zoote ze

met twee spuugendje kinjer, mer dēt hōbste noe einmaal met zo'n kleintjes en och as ze ins good geslaope hōbbe den is dēt murge weer euver waerdje der geredeneerdj. En waarachtig de angere daag waas dēt gelōkkig zoë, dus men kost heerlik nao ut zwumbad oom te ontspanne. Dao aangekome waerdje eederein met veul gewum ootgekeldj en inne bikini gehese. De spulle waerdje opgeborge inne kloes. De kleintjes compleet met bendjes in ut kleuterbad geïnstalleerd en jao, eindelijk kost men den op ut gemaak gaon ligge. Dēt waerdje teminste gedacht, allein dēt gemaak deurdje neet lang, want bie Yvette kwaam ut noe van bove en onger oet wiej water. En eine zurgzame badmeister mer sjouwe met ummerkes water en eine dwell. Nao veul water van in en boete ut zwumbad te hōbbe getrotseerdj waerdje der beslote oom trōk nao ut huuske te gaon. Noe waas ut allein nog de kunst oom de kinjer good aaf te druuge en inne kleijer te kriege. Toen dēt waas gelōktj waerdje ze bie "Marlies twee" in bewaring gegaeve, zoë dēt mooders zich eindelijk auch kost aankleije.

Oet ut badpak gewurmdj, half aafgedruigdj steit ze poedelnaaks in ut kleidhok, wie ze tot de ontdekkung kumptj dēt ze heur kleijer neet heet. Gētver..... weer dēt naat badpak aan en op zeuk nao de kleidhukskes. Woë hōb ich noe toch dae pongel gelaote. Gooj vraag, nurges te vinje. Paniek inne tent, badjuf en badmeister derbiej. Mevrouw, hōbtj gae ze in ut hukske laote hange? Dēt mot den waal. Alle badhukskes ope en dicht en jaowaal in ein vanne hukskes dao hing alles nog. Gelōkkig snel aankleije en den wegweze. Mer hallo, dēt kan toch neet waor zeen, der is toch emes anges in dēt hukske gewaest, want nonde..... mien ongerbōks en humme foetsie en die wore nogwaal van echte ziej (allicht want ein ketoene ongerbōks numtj nemes mieër met).

Dēt die ongerbōks weg waas kwaam al hieëlemaal neet zoë gunstig oet, want bie toch al dae stress, deej zich nog ein vrouwelik oongemaak veur. De frustratie waas compleet.

Gelōkkig haaj ze inne tas van Yvette nog pempers en die waerdje as "Always" gebroektj. Joggingpak aan en men kost op hoes aan. Ut waas ut oetstepke waal en dēt "Marlies ein" weer ins vlot op vekantie geit? Nou nae, dao gluive wae niks van.

Asse ontspanning zeuktj den hultj ze dēt veurtuipig bie ut kaarte, is heur devies.



Hotel op wiele:

Aafgeloupe jaor gebeurde ut op eine sjoene zomerao-
vendj, dèt eine kastelein oet Ell nao ein fieest ging aanne-
randj van ut dörp. Dèt fieest haaj de hieële nacht gedoordj,
dus ut waas al leecht aan 't waere, wiedèt hae veur zien
café stopdje. Och, dacht Siem waat zal ich noe noch nao
bed gaon. Ich kan toch auch nog gèt inne auto slaope met
dèt sjoen zocht waer. En wiedèt der aan 't dinke waas,
sleep der al. En waat waas noe ut gevolg, 's murges oom
ein oor of acht, nege, ginge der minse winkele, want ut
waas zaoterdig, herstikke druk oppe straot. Eederein ge-
noot van ut tafereel en lachdje zich
kepot. Zoeë auch Thijs en Francien.
Mèr waat waas noe ut volgendje geval.
Twieë waake later haaje Thijs en Fran-
cien vriegezellefuif (dèt is op vandaag
moeëde as dës ze geist trouwe). Zun-
jes 's middes verzameldje zich eede-
rein dae mèt ging oom twelf oor inne
café. Thijs en Francien kregē allebei
ein sjoen pak aan-
gedaon, ut leke waal ein stel paosha-
ze. Vanoet de café ginge ze op paad.
De kaerels ginge nao Roggel en de
vrouwluuj richting Maastrecht. Dao
waardje de hieële middig gēfiēstj en
getampieēsdj. Zoeë woord ut aovendj
en stilaan later en later. Toevallig
waas dèt weekend Kelpē kērmis en
dao kwaam de hieël bubs 's aoves
weer bieēin. Wiedèt ut sloetingstied
waas, waas de groep nog mer half euver. De eine nao de
angere veel aaf, meug, misselik, aangezope, 's murges
vreug op en gank Zoeë mer door. Mèr op ein gegaeve mo-
ment woore alle euvergebleve minse weer veilig in Ell en
ging eederein nao hoes. Zoeë auch Thijs en Francien. Mèr
wiedèt ze toes kwoome wiste ze dèt ze allebei geine sleutel



bie zich haaje, dae haaje ze

's middes in motte levere, net as de beurs en alles waat se
inne tēs hōbst. Waat noe gedaon. Ze leepe wie ein verlore
stèl door ut dörp, vanne eine hook nao de angere hook, dao
waas nemes mieër wakker te kriege. Toen mer weer hei-
vers gesukkeldj, "inne hoop", zeet Thijs "dèt der bie Siem
eine fiets steit of zoeëgèt". "Waat wilse daomèt gaon door",
zeet Francien. "Jè, den kan ich via de voelnisconteener op
ut platdaak en as ich mich neet vergis steit ut boveleecht
ein bietje oope". Mèr bie Siem aangekome geine fiets of
zoeëgèt waat Thijs oppe conteener kōst zètte. Op ins veel
Francien heur aug oppe auto en
zeet tege Thijs, "as Siem dao in
kan slaope den kinne wae dèt
auch". Zoeë gezagdj, zoeë gedaon.
En al snel sleepe ze, eine veurin en
eine achterin. Mèr 's murges oom
ein oor of nege, half tieën waardje
ze wakker in heur hazepakke.
Waat noe ze haaje gelōk dèt ne-
mes oppe straot waas. Hieël veurzichtig kwaam Thijs oet de
auto en hae wist dèt bie Siem eemes aan 't poetse waas.
Hae ging snel nao binne en vroeg oom ein trapeleijer. Toen
de poetshulp oetgelache waas, holp ze hum op ut daak.
Toen Thijs einmaal binne waas, kōst der de deur veur Fran-
cien oope doon zoeëdèt die auch binne kōst vluchte.
Wiedèt Siem later dèt verhaol huierdje, laag der in eine
deuk en weem ut iēerst lachtj, lachtj ut lèst.



Vurgaete:

Wil duuit Hub zoeë noe en den nog waal ins helpe, oomdê Hub dao geine tied veur euver heet. Zoeë bracht Wil ut pak vanne Raod van Elf nao ut camavalssezoen nao de stoumeriej. Alle tesse waerdje naogekeke en waat bleek, de optochtprieze van 1995 en 1996 zote nog netjes inne binnets. Weem gêt bewaardj heet gêt aan te pakke.

Ein waek nao de begrafenis van Prinses Diana, ginge Hub van Lute en Martje van Stiene nao Londen veur de standbouw. As wae toch dao zéen, gaon wae auch effe in die bloome roondjuistere, aldus Hub. Op vriedig 12 september vertrêkke ze per boeët nao Ingelandj.

En waat sjetstj ooze verbazing, 's aoves kwaam ut op ut noets dêt de minse dao alvast begonne zéen, oom de bloome op te ruume. Wiste ze in Ingelandj dêt Hub en Martje op weeg wore of waas Hub weer ins te laat.



Wis djer al.....

- Dê Jan van Sentjes (Larry jr.) al de Kwakel meintj te hoole door de verkieêrdje kontainer aanne weeg te zette.
- Dê Tiny van Albér, zich aafvreugtj waat se toch môst doon oom inne gezèt te koome.
- Dê dêt veur heur gedaon waerdje, want wie ze jaorig waas sting ze inne gezèt.

